

**Visokoškolska ustanova**

**Visoka škola za finansije i računovodstvo FINra Tuzla**

**S E N A T**

**Broj:** 02-854-8/22

**Tuzla,** 01.09.2022. godine

Na osnovu člana 63. Zakona o visokom obrazovanju TK („Službene novine Tuzlanskog kantona“, broj: 21/21- prečišćeni tekst, 22/21- autentično tumačenje i 5/22) i člana 39. Statuta FINra, na 51. (pedesetprvoj) sjednici održanoj 01.09.2022. godine, Senat visokoškolske ustanove Visoka škola za finansije i računovodstvo FINra Tuzla donosi:

### **ODLUKU**

#### **o izmjenama i dopunama Nastavnog plana i programa i silabusa u okviru studijskog programa „Finansije i računovodstvo“**

#### **I**

Usvajaju se izmjene i dopune Nastavnog plana i programa i silabusa I ciklusa studija u okviru studijskog programa „Finansije i računovodstvo“ na visokoškolskoj ustanovi FINra, kako slijedi:

#### **A)**

U Nastavnom planu i program vrši se izmjena broja časova za određene predmete u svrhu usklađivanja sa pozitivnim pravnim propisima, odnosno izmjenama i dopunama Standarda i normative visokog obrazovanja Tuzlanskog kantona.

#### **B)**

U Nastavnom planu i program vrši se izmjena silabusa nastavnih predmeta u svrhu unapređenja silabusa predmeta, posebno kada je riječ o ciljevima, ishodima učenja i sadržajima predmeta.

Navedene izmjene iz stava 1. ovog člana vrše se u svrhu realizacije datih Preporuka Komisije stručnjaka za akreditaciju.

#### **C)**

U Nastavnom planu i programu vrši se izmjena nastavnih predmeta tako da:

1. U trećoj godini u VI semestru umjesto izbornog predmeta **“Računovodstveni standardi”** uvodi se predmet **“Javne finansije i javne nabavke”**.
2. Naziv predmeta **“Budžetsko računovodstvo”** u VI semestru treće godine studija, mijenja se u naziv: **“Računovodstvo budžeta i neprofitnih organizacija”**.
3. U IV godini su izvršene sljedeće izmjene:
  - a) Nastavni predmet **“Revizija i sistemi interne kontrole”** se prebacuje u VIII semestar;

- b) Umjesto nastavnog predmeta “**Revizija i sistemi interne kontrole**” u VII semestru uvodi se predmet “**Upravljanje troškovima i kalkulacije**”;
- c) Umjesto nastavnog predmeta “**Napredni finansijski menadžment**” u VIII semestru uvodi se predmet “**Investicijski menadžment**”;
- d) Umjesto nastavnog predmeta “**Napredno finansijsko izvještavanje**” u VIII semestru uvodi se predmet “**Analiza finansijskih izvještaja**”;
- e) Umjesto nastavnog predmeta “**Napredna revizija**” u VIII semestru, studenti će slušati predmet “**Revizija i sistemi interne kontrole**”.

## II

Izmjene i dopune iz člana 1. ove Odluke ne mogu se primjenjivati retroaktivno, u smislu utvrđivanja dodatnih obaveza studentu za studijske godine koje je uspješno okončao.

## III

Ova Odluka stupa na snagu danom donošenja, a primjenjuje se počev od akademske 2022/2023. godine.

## O b r a z l o ž e n j e

U skladu sa usvojenim izmjenama i dopunama Standarda i normativa visokog obrazovanja Tuzlanskog kantona, Senat je usvojio predložene izmjene i dopune Nastavnog plana i programa i silabusa studijskog programa “Finansije i računovodstvo” u svrhu prilagođavanja pozitivnim pravnim propisima.

Komisija stručnjaka za akreditaciju dala je određene Preporuke za unapređenje kvaliteta na visokoškolskoj ustanovi FINra, a koje se, između ostalog, sastoje u sljedećem:

*“Metodološki jasnije i konzistentnije definiranje ishoda učenja na razini studijskih programa, studijskih usmjerenja i nastavnih predmeta.”*

*“Provođenje daljnjih unapređenja i metodoloških ujednačavanja silabusa predmeta, posebice kada je riječ o ciljevima, ishodima učenja i sadržajima predmeta.”*

Shodno navedenim Preporukama, Senat je usvojio izmjene i dopune silabusa nastavnih predmeta u cilju metodološkog ujednačavanja silabusa predmeta na način da se izvršila modifikacija i unapređenje ciljeva, ishoda učenja i sadržaja predmeta. Osim toga, navedenim izmjenama i dopunama silabusa, izvršeno je metodološki jasnije i konzistentnije definiranje ishoda učenja i na razini nastavnih predmeta.

Razmatranjem Nastavnog plana i programa prvog ciklusa akademskog studija na visokoškolskoj ustanovi FINra, te praćenjem njegove realizacije u proteklih šest akademskih godina, ustanovljena je potreba da se izvrše određene izmjene, a koje podrazumijevaju sljedeće:

U trećoj godini u VI semestru umjesto izbornog predmeta “**Računovodstveni standardi**” uvodi se predmet “**Javne finansije i javne nabavke**”. Naziv predmeta “**Budžetsko računovodstvo**” u VI semestru treće godine studija, mijenja se u naziv: “**Računovodstvo budžeta i neprofitnih organizacija**”.

U IV godini su izvršene sljedeće izmjene:

- a) Nastavni predmet “**Revizija i sistemi interne kontrole**” se prebacuje u VIII semestar;
- b) Umjesto nastavnog predmeta “**Revizija i sistemi interne kontrole**” u VII semestru uvodi se predmet “**Upravljanje troškovima i kalkulacije**”;
- c) Umjesto nastavnog predmeta “**Napredni finansijski menadžment**” u VIII semestru uvodi se predmet “**Investicijski menadžment**”;
- d) Umjesto nastavnog predmeta “**Napredno finansijsko izvještavanje**” u VIII semestru uvodi se predmet “**Analiza finansijskih izvještaja**”;
- e) Umjesto nastavnog predmeta “Napredna revizija” u VIII semestru, studenti će slušati predmet “**Revizija i sistemi interne kontrole**”.

Usklađivanje navedenih izmjena sa spoznajama proisteklim iz izvršene unutrašnje evaluacije studijskog programa ne smatra se znatnijim promjenama, već su izvršene u svrhu usklađivanja sa pozitivnim pravnim propisima i provođenjem Preporuka Komisije stručnjaka za akreditaciju, te predstavlja dio osiguranja kvaliteta.

Shodno navedenom, Senat visokoškolske ustanove FINra je na sjednici Senata održanoj 01.09.2022. godine, donio Odluku kao u dispozitivu.

*Prilog:*

*- Pregled izmjena i dopuna Nastavnog plana i programa i silabusa*

*Dostavljeno:*

*1x Senatu i*

*1x a/a*



PRESJEDAVAJUĆI SENATA  
Dr. sc. Ismet Kalić, vanr. prof.